

**PRAVILNIK
O KVALITETU SENFA****DIO PRVI - OPĆE ODREDBE**

Član 1.

(Predmet)

Ovim pravilnikom propisuju se kvalitet i drugi zahtjevi koje mora ispunjavati senf u proizvodnji i stavljanju na tržište.

Član 2.

(Označavanje)

Zapakirani senf mora biti označen u skladu s Pravilnikom o općem deklariranju ili označavanju zapakirane hrane ("Službeni glasnik BiH", broj 87/08) i s ovim pravilnikom.

Član 3.

(Upotreba aditiva)

U proizvodnji senfa mogu se upotrebljavati aditivi koji se koriste u skladu s Pravilnikom o upotrebi prehrambenih aditiva, osim boja i zaslađivača, u hrani ("Službeni glasnik BiH", broj 83/08).

Član 4.

(Mjeriteljski zahtjevi)

Dozvoljena odstupanja nominalne i neto količine i način obilježavanja nominalne, odnosno neto količine za zapakirani senf, mora biti u skladu sa Zakonom o mjeriteljstvu Bosne i Hercegovine ("Službeni glasnik BiH", broj 19/01).

DIO DRUGI - POSEBNE ODREDBE

Član 5.

(Proizvodnja senfa)

- (1) Senf je proizvod koji je dobiven miješanjem sirćeta ili tekućine koja sadrži sirćetnu kiselinu i sjemenke senfa *Brassica nigra*, *Brassica juncea*, *Sinapsis Alba* ili senfovo brašno dobiveno od tih sjemena.
- (2) Senf se može dobiti miješanjem navedenih sjemena i senfovog brašna kojem se mogu dodati sljedeće namirnice ili sastojci hrane: vino, voćna vina, kuhinjska so, šećer, aromatično bilje i začini, kao i ekstrakti dobiveni iz tog aromatičnog bilja i začina.
- (3) Senf proizveden iz razrijeđene sirćetne kiseline mora imati oznaku "senf s razrijeđenom sirćetnom kiselinom."
- (4) U proizvodnji senfa nije dozvoljeno koristiti sintetička eterična ulja.

Član 6.

(Ispunjavanje zahtjeva)

Senf koji se stavlja u promet mora ispunjavati sljedeće zahtjeve:

- a) da ima izgled, ukus i miris karakterističan za senf;
- b) da je homogena, mazive konzistencije, bez grudvica;
- c) da sadrži najviše 78% vode;
- d) da sadrži najviše 15% kuhinjske soli (računato na suhu tvar proizvoda);
- e) da sadrži najviše 9% pepela, bez kuhinjske soli (računato na suhu tvar proizvoda);
- f) da sadrži najviše 0,1% pepela neotopivog u HCl.

DIO TREĆI - PRIJELAZNE I ZAVRŠNE ODREDBE

Član 7.

(Zalihe, rok trajanja)

Senf proizveden prije stupanja na snagu ovog pravilnika može biti u prometu sve do nestanka zaliha ili do prestanka roka trajanja.

Na osnovu člana 17. stav 2. i člana 54. stav 1. tačka c) Zakona o hrani ("Službeni glasnik BiH", broj 50/04) i člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), Vijeće ministara Bosne i Hercegovine, na prijedlog Agencije za sigurnost hrane Bosne i Hercegovine, u saradnji s nadležnim organima entiteta i Brčko Distrikta Bosne i Hercegovine, na 37. sjednici održanoj 30. januara 2013. godine, donijelo je

Član 8.

(Prestanak važenja)

Stupanjem na snagu ovog pravilnika prestaju da važe odredbe Pravilnika o kvalitetu kafe i surogata kafe, čaja, začina, koncentrata za supu, pekarskog kvasca, praška za pecivo, praška za puding, dijetetskih proizvoda i aditiva ("Službeni list SFRJ", br. 13/78, 20/80, 41/80, 45/81, 52/86, 33/89 i "Službeni list R BiH", broj 2/92), koje se odnose na senf.

Član 9.

(Stupanje na snagu)

Ovaj pravilnik stupa na snagu osmog dana od dana objavljivanja u "Službenom glasniku BiH".

VM broj 37/13
30. januara 2013. godine
Sarajevo

Predsjedavajući
Vijeća ministara BiH
Vjekoslav Bevanda, s. r.